

Na osnovu člana 16. stav 2. Zakona o Vladi Zeničko-dobojskog kantona-Prečišćeni tekst (“Službene novine Zeničko-dobojskog kantona”, broj: 7/10), i Programa utroška sredstava na razdjelu 21-Ministarstvo zdravstva, budžetska organizacija 01, potrošačka jedinica 0001, ekonomski kod 61400, pozicija „Tekući transferi i drugi tekući rashodi“, Budžeta Zeničko-dobojskog kantona za 2017. godinu, broj: 02-14-4103/17, od 23.03.2017. godine, 02-14-15213/17 od 02.11.2017. godine, 02-14-17215/17 od 14.12.2017. godine, na prijedlog Ministarstva zdravstva, Vlada Zeničko-dobojskog kantona, na 123. sjednici, održanoj dana 19.12.2017. godine, d o n o s i

ODLUKU

o odobravanju sredstava Općini Visoko na ime refundacije troškova za isplaćene naknade za mrtvozorstvo u 2016. godini

Član 1.

(Predmet)

Odobravaju se sredstva Općini Visoko za refundaciju troškova za isplaćene naknade za 222 slučaja utvrđivanja smrti izvan zdravstvene ustanove u 2016. godini u ukupnom iznosu od 7.865,10 KM (slovima: sedam hiljada osam stotina i šezdeset pet i 10/100 konvertibilnih maraka), a odnose se na:

- isplaćene neto naknade u iznosu 6.660,00 KM,
- doprinose za PIO u iznosu 358,71 KM,
- doprinose za zdravstvo u iznosu 239,16 KM,
- porez na dohodak u iznosu 573,93 KM i
- posebnu naknadu za zaštitu od prirodnih nesreća u iznosu 33,30 KM.

Član 2.

(Analitička konta)

Sredstva iz člana 1. ove odluke isplatit će se iz Budžeta Zeničko-dobojskog kantona za 2017. godinu (“Službene novine Zeničko-dobojskog kantona”, broj: 15/16, 8/17 i 13/17) sa razdjela 21-Ministarstvo zdravstva, budžetska organizacija 01, potrošačka jedinica 0001, ekonomski kod 614100, pozicija “Transfer općinama”. Sredstva će se uplatiti na depozitni račun Općine Visoko broj: 1990470004018370, otvoren kod Sparkasse banke, vrsta prihoda 732114, šifra općine 098.

Član 3.

(Provođenje Odluke)

Za provođenje ove odluke zadužuju se Ministarstvo zdravstva i Ministarstvo finansija Zeničko-dobojskog kantona, svako u okviru svoje nadležnosti.

Član 4.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-14-17537/17.

Datum, 19.12.2017. godine

Z e n i c a

PREMIJER

po ovlaštenju

DOSTAVLJENO:

1x Ministarstvo zdravstva,

1x Ministarstvo finansija,

1x Općina Visoko (putem Ministarstva),

1x „Službene novine Zeničko-dobojskog kantona“,

1x a/a.

ministar Himzo Smajić